

中國方志叢書·華中地方·第七九一號

據

清·張興言等修，謝煌等纂
清同治十年刊本

影印

江 西 省

宜黃縣志

永

成文出版社有限公司印行

中華民國七十八年三月臺一版

宜黃縣志

共八冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

鹿岡書院考

應麟

宜黃居山谷間郭外地分爲三其北曰岱鄉其南東曰仙鄉西曰崇鄉三字俱從山或在趾在側在上因其形勢名之無他義也按志吳王亮太平二年置宜黃縣隋併入崇仁唐武德中析而復併宋太祖乾德五年李煜割崇仁之仙桂崇賢岱賢三鄉立宜黃場尋改爲縣終宋之世宜邑人物莫崇爲盛仙與岱弗及也崇之爲都二十二如十四都之樂子正四都之杜子野皆以道德文章流聲於世然子正著作尙千百存其什一而杜氏

隻字不遺豈真耄年取投井中如俗所傳甘自晦匿故
至此耶嘗考荆國王公師事子野荆國不屑魏徵孔明
而以皋夔傳說自任新法之行言者蜂起而惟程顥不
爲詆非欲講求其至當竊意排擠之者不無涉於意氣
而其不大戾於明道則其淵源於子野者無容疵也子
野講學之處名曰鹿岡書院蓋子野抗懷高尚駸駸有
鹿豕遊意而德望所感靈鹿來馴如唐李渤之居廬山
時有白鹿生公說法石爲點頭況敢造化之變與闡經
傳之粹精豚魚之孚信不誣也今人呼其里爲鹿岡里

古今地以人傳因事而易其故號者甚眾然茂草旣鞠
滄桑屢更求其故址已不可復識惟宜黃縣志載崇四
都古跡曰鹿岡書院註子野別業曰挈雲館註荆國受
業處荆國自臨川負篋來遊朝夕與子野賞奇析疑其
明牕淨几斷不甚遠可知嘗詢彼土人士云洞觀巖卽
挈雲館舊地香林寺卽鹿岡書院廢基兩地相望路不
盈里雖無明文可據其說爲近又志載有黃濯纓鹿岡
書院詩濯纓未審何許人其言已不甚詳中有井畔方
塘之句邇來崇四都綴十二境有蛟峰丹井香林月池

與黃句頗合并池皆屬北境則書院之坐里北無疑也
鹿洞四面環山其地凹故稱洞鹿岡山勢漸衍其地昂
故稱岡然鹿洞自唐貞元至宋淳熙而大興復鹿岡自
宋熙寧杜公後無聞焉弔往事而念先賢是在今代之
文公哉

石碧誌畧題辭

國朝

李來泰

臨川人

大地莽蒼土飛石立世相未除乃至爲獅爲象爲洞爲
梁具種種名號驀被馬駒踏破偌大山川求一射鹿場
不可得幾許苦事藏公失却一鹿却尋得半個聖人前
箭後箭搏弄機鋒渾淪石碧橫出如許癡痕幸山靈有
知杳冥深闊浩劫以來時隱時現斷鏃浮翎尙掩映沉
沙蔓草間不至援的授人開門揖盜突有蘭城老人捉
破虛空以竹杖量世尊頂遂從設髮處建梵刹訖乃有
海岸老撥草尋蛇晦山公呵佛罵祖一片無陰陽地頓

生無明煩惱竊恐從茲曠劫未易消除石山人讀遍經
書不識一佛字行半天下乃二百里未見石碧暑中熱
汗如漿忽千師以誌畧見示便向弓弦上辨此一層公
案徧觀三千大千世界覓石碧不可得就此殘煤斷簡
中還有石碧也無瞿曇示蓮花比丘爾見吾色身未見
吾法身須向菩提岩中宴坐去得誌畧者當作如是
莫令門外漢張機布鵠也

玉山記題辭

國朝 李來泰

唐人多述劍客若鹿盧躋蘭陵老人之屬電逝星奔波
駭烏沒余讀其言未嘗不心開膽張舌撝不得下已悟
曰天下豈有神仙諒爲英雄當如是耳青蓮稱錢少陽
投竿而起可爲帝王之師宋辛棄疾揭河北以還中原
晚棲芝山諷其樂府猶有生氣二子用世幾何偶見其
奇龍伸蠖屈惟所置之子房赤松長源仙骨與李夫人
掩被匿面同一關捩向後一著不使人看破耳憶少年
羶毬場屋友人傳平叔輒舉歐陽子芳語以自廣時子

芳已建大將旗鼓用金印如斗大及滄桑遞改黃冠無
志偶一出山鄉里倚以重活卽脫屣去之昔人云神仙
者英雄退步詎不然與有客持示玉山傳奇敘次子芳
本末甚悉余不覺掩卷三嘆也勝國之季胡粉飾面搔
頭弄姿者大不乏人霜降水落不堪黃旛綽號一番指
點耳子芳經奇男子振臂一呼瘡痍盡起大涯南北戰
壘猶存摩挲斯編亦青海白翎之往因西京夢華之遺
錄也豈僅向三尺瓊瑤現身說法而已余寄子芳月光
禪師入定時定水湛然滿室童子投以瓦礫輒患心痛

除去之而始復公今已坐證此道是記無乃水觀中之
瓦礫乎子芳曰往劫經心前程如夢耳後生風鼻端出
火自是道人本色願閱此者無以腐鼠相嚇而可矣蓮龕

集

書白土寺勅書碑後

朱劉 迂

恭惟國家仁覆天下山川鬼神有功於民則命禮官考
實錫名以答休應唐會昌時有異人來宜黃趺坐白土
寺東溪上而化溪濱父老塗其全身爲苾芻相龕乎寺
之西廂隆興初始賜普惠師號紹熙二年六月不雨有
周或者禱於師而應部使者以聞事下有司太常議以
慈應加謚制曰可慶元丙辰六月聖書降明年五月至
縣承直郎知縣事丁尙友從事郎縣丞陳民望迪功郎
主簿陳密迪功郎縣尉趙經具儀前導恭藏於寺之別

室又明年春三月寺僧德源摹以落石侈上賜也於是
它寺嘗以土偶師像者皆臨刻以冒寵靈云是月旣望
進士劉迂謹書

書譚襄敏公傳後

明揭重熙人

公生平志氣激昂襟懷坦易時偕吳疎山諸公會講或
角巾私第與諸里老敘布素及忠義憤發責育莫奪居
恒口不言功渚林之捷以歸前中丞前中丞因得釋罪
去砥身礪行孝友尤篤乞陳情例贈其前母黃推任子
恩官其母弟綵撫庶弟綺俾有成邑諸生諸祀鄉賢郡
諸生又請祀郡學皆所以報公盛德也其生平謀國之
大者如疏古車戰法疏車騎合練法疏吳越燕趙主客
互用法疏火器鳥銃長短鎗械法疏永密昌遵三大屯

營法疏椿朋馬政法疏南工漕糧乾銀鹽鐵銅錢法疏
園陵北門衝緩十一路戰守法疏春秋防班軍法疏韃
軍韃舍遊兵民兵標兵枝調法疏京營羽林井大真保
補練法志不得行君子蓋深恫之公初任庫部郎日以
兵爲事凡老校退卒暨商旅往來者無不諮詢兵情扼
塞南北署殆無虛日有持大言敗公者公固不厭顧其
言有可採者謹記之戰海門新河時某將軍洩其謀倭
逆陣以待公率麾下殊死戰破之得其所與相通者某
面縛詣軍門日陷公不足道誤國事當死公曰戰而敗

誤國誠不小顧吾以文臣履將軍上誦不足以服將軍
將軍之構我無怪也且旣爲王臣共王事復何所芥蒂
取所爲交通者焚之因與誓某嚙臂請爲父子自是得
其死力與戚劉三將軍者同功一體南倭蕩平功咸賴
之公之處某誠以折其心也其本兵中樞賊一夕宵至
黑羽馳者九輦下震駭公方飯座客相顧無人色公隨
起鎬客一室又鎬家人老稚一室戒門者雖至急無得
通違從軍法獨至齋中偕一蒼頭一書佐發軍檄從後
門隙出入時則舉朝蒼黃左右司馬三造門門者不敢